



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Michael. Baii Regii In S. Theolog. Profess. Acad.  
Lovaniensis, Ad Qvaestiones Philippi Marnixij  
Sanct-Aldegondi De Ecclesia Christi, & Sacramento Altaris  
Responsio**

**Bajus, Michael**

**Coloniae, 1579**

**VD16 B 930**

Epistola Sanct-Aldegondi, de eadem responsione.

**urn:nbn:de:hbz:466:1-30353**

EPISTOLA PHILIPPI  
Marnixij Sanct-Aldegondi de  
suprascripta responsione.



Itera tua eruditionis ne an beneuolentia  
atque humanitatis pleniores, Reueren-  
de D. Doctor, ita mihi fuisse grata, ut  
quod omnium est gratissimum. Fuit e-  
nim iucundum a tali ac tanto viro, quem sciebam  
negotiorum ac laborum ingenti propemodum mole  
obruere, eam tamen mihi praestari operam, quae posset et  
ad Dei gloriam promouendam, et ad fidem corro-  
borandam esse vehementer utilis. Sed multo etiam  
fuit iucundius in grauissima quaestione, quam ego  
omnium nostrarum controuersiarum tantum non  
cardinem ac fundamentum praecipuum esse semper  
sum arbitratus, prope ad amissum nos consentire.  
Itaque ago, mi Domine, gratias tibi pro hoc benefi-  
cio, meumque studium atque operam, si qua in re  
commodare aut prodesse potero, tibi, tuisque possi-  
ceor; et humanitatis tuae fretus, pergo in priori-  
bus quaestionibus reliquos, si qui restant, scrupulos  
euodare, et simul responsionem ad posteriores depof-  
cere. Quantum igitur ex tua, imo potius Augustini,  
sententia possum conytere, omnino ita sentis, uni-  
cum Ecclesiasticarum traditionum <sup>ἡπιτηριον</sup> unicum  
lapidem Lydium atque iudicem esse uerba Domini  
nostri Iesu Christi tradita sacra scriptura, disertis  
paginis, nec audiendum esse: Hoc dicit Augustinus,  
hoc dicunt Donatista, sed hac dicit Dominus: et in  
libris Dominicis: quibus utriusque credimus, utriusque  
asser-



EPIST. SANCT. ALDEG.

assentimur, quærendam esse ecclesiam, causamque  
 omnem nostram & controuersiam discutiendam.  
 Denique iudicium de Christi ecclesia, eiusque doctrina,  
 & sacramentis, (hoc enim ex priore necessario  
 efficitur) ex sola scriptura peti debere. In hoc certe  
 ego tibi per omnia planissime assentior, ac vere ita  
 statuo, si hoc ipsum impetremus, facile reliquas omnes  
 controuersias ac nullo negotio iri compositum.  
 Vt enim post Paulum ait Athanasius, sufficiunt sancta  
 ac diuinitus inspirata scriptura, ad omnem instructionem  
 veritatis. Quamobrem etsi libens confiteor, quod ais,  
 veros fideles, vt ex scripturis sacris de Christi ecclesia  
 verum iudicium accipiant, eorum se studio, diligentia,  
 & testimonio iuuare, qui præ cæteris vera sapientia a  
 Deo ditati fuisse creduntur, inter quos ego Augustinum  
 non grauate reposuerim; tamen illud cum Chryso-  
 stomo liceat contendere, multos quidem Spiritum  
 sanctum iactare, sed qui propria loquantur, falso  
 illum prætere, vt enim Christus non a seipso loqui  
 se testatur, quia ex lege loquebatur & prophetis:  
 ita si quid præter euangelium sub titulo Spiritus  
 sancti obrudatur, non credamus, quia sicuti Christus  
 legis & Prophetarum impletio est, ita Spiritus  
 Euangelij. Deinde & hoc addo, quod Augustinus,  
 eiusque similes, vera a Deo sapientia præ cæteris  
 ditati fuisse credantur, id non aliunde fuisse  
 adeptos, nisi quod scripturis, quæ sole hanc  
 sapientiam vberimo latice profundunt, & sole  
 hominem reddunt ad salutem eruditum, per fidem  
 in Christo Iesu, consensanea & senserint, &  
 scripserint. Quo enim quisque proprius ab hoc fonte  
 suos irrigat doctrinarum tubos, eo puriori certe lim-  
 pha



EPISTOLA

pha lectorem quisque reficit: quo vero remotius, eo  
 inquinatio, ita ut qui se longissimo intervallo ab ea-  
 dem continent, ij iam non inter pios & synceros Ec-  
 clesia doctores, sed inter haereticos, & scripturarum  
 depravatores connumerentur, cuius cum eadem  
 penitus sit in Concilijs, Pontificum decretis, & Scho-  
 lasticorum placitis statuenda ratio, non est quod  
 verear cum Augustino pronunciare: Nec ego Ni-  
 canam synodum tibi, nec tu mihi Ariminensem  
 debes, tanquam praedicturus, obijcere, nec ego  
 eius auctoritate, nec tu illius detineris, scriptura-  
 rum auctoritatibus, non quorumcunque proprijs,  
 sed quae virisque sint communes, res cum re, causa  
 cum causa, ratio cum ratione certet. In summa hoc  
 inter nos conveniat doctrina Apostolica, & Prophe-  
 tica, cui soli innixa est ecclesia, iudicium omne  
 ad scripturam sacram esse reuocandum, om-  
 niaque omnium vel patrum dogmata, vel concil-  
 iorum decreta, vel Pontificum placita, vel  
 Scholasticorum axiomata, non aliter esse accipien-  
 da, nisi quatenus huic scripturae sunt consen-  
 tanea.

Quod ad alteram quaestionem attinet: An Eccle-  
 sia verbo Dei, an potius verbum Dei Ecclesia aucto-  
 ritatem tribuat? ita mihi per omnia satisfecisti, ut  
 non potuerim istum tuum candorem non vehementer  
 exosculari. Na tu perquam erudite ac pie respon-  
 sionem tuam comparatione Ioannis Baptistae cum  
 Christi doctrina confirmasti, ita ut in hoc capite  
 la restet inter nos controuersia.

Postremum tantum Epistola tuae caput, de con-  
 stitutionibus Ecclesiae, vellem paulo dilucidius expli-  
 casset.



SANCT. ALDEGONDI.

*castes. Ais enim ubi regnum agnoscitur, non posse ne-  
 gari constitutiones: quod certe libenter damus, sed si-  
 mul addimus, ab ipso rege in quouis quidem regno  
 constitutiones debere proficisci; sed maxime certe in  
 Christi Ecclesia, in qua Christus ita regem agit, ut  
 simul sit & corporis caput, & sponsa maritus, &  
 ouium pastor, ita ut vnus eius vocem audiant oues,  
 imperium accipiat sponsa, spiritu vegetentur ac  
 moueantur membra, constitutionibus denique ob-  
 temperet populus: Ipse enim vnus est, de quo dictum  
 est: Hunc audite, ac proinde semper atque indefessa  
 seculorum continuatione resonauit, ac resonat in au-  
 ribus ecclesie ista regis vnus lex ac mandatum:  
 Quod precipio tibi, hoc obseruabis ut facias, non ad-  
 des quicquam, nec detrahes. & illa: Non addes ad  
 verbum Domini, nec minuas ex eo, ne te forte arguat  
 inueniarisque mendax. item: Audiendo audite vocem  
 meam, & ero vobis Deus, & eritis mihi populus,  
 & ambulabitis in omni via quam, mandauero  
 vobis. Item: Nunquid vult Deus holocausta &  
 victimas, & non potius ut obediatur voci sue?  
 melior est enim obedientia quam, victima, & au-  
 scultare magis quam offerre adipem arietum,  
 quin quasi peccatum ariolandi non auscultare, &  
 quasi idololatria iniquitas non acquiescere. & item:  
 In constitutionibus patrum vestrorum ne ambuletis:  
 & iudicia eorum seu decreta ne obseruetis, & pollu-  
 tionibus eorum ne conspurcerimini, ego enim sum Ie-  
 houa Deus vester: in constitutionibus meis ambula-  
 te, & decreta mea seu iudicia obseruate, & faci-  
 te ea, aliaque scripturae, quibus inducti patres in fini-  
 tis locis affirmarunt, quicquid non esset manifesto Deo*



EPISTOLA

verbo fundatum, habendum esse pro sacrilegio; nes  
enim in vlllo ferendum est regno, rege viuo, ac reg-  
nante, ac iussa sua ex sacrarum tabularum prescrip-  
to dictante, a quoquam alio legem, constitutionem-  
que sanciri. In quo si te habeo, quod certa tua men-  
tis ac iudicij perspicuitate, & simul eruditionis vber-  
tate fretus confido, ad stipulatorem, nihil planere-  
stat amplius in priori de Ecclesia questione, quod  
habeat scrupulum: ac proinde rogo, vt ad posteriores  
de Sacramento interrogaciones, tuam primo  
quoque tempore audiam sententiam.

Vale, datum Bruxella quin-  
ta Nouem. 1577.

Reuerentiæ tuæ studiosissimus

Philippus de Marnix.



RE